

中國方志叢書·華中地方·第五六六號

據

元·徐

傾撰

影印

浙江省

嘉禾志



5122/05

成文出版社有限公司印行



10097713

中華民國七十二年三月臺一版

嘉禾志

全一冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

至元嘉禾志

圖志之書古史筆也成周職方掌天下之圖外史掌四方之志事亦重矣嘉禾為志何昉乎猶記素似衡為郡治中其家富有古書江浙圖志無不備獨木與關然非關也木與經邑為州才三百載五代至宋初皆湮沒不暇真宗景德四年嘗詔諸道修圖經僅得海鹽一志而已淳熙甲午郡守張元成始延聞人伯紀為郡志此作古也前守伯紀所謂舊經雖博覽之士無所見其簡略可知後守伯紀郡守岳珂嘗命卿先輩表鄉重修且編檄諸邑搜訪古跡可謂勞于用力書未成而勒翁改調上而無紀錄之冊可參次而無考成之士可贊又

序

一

次而無賢子弟可詢其家世其欲正謬補闕豈不難哉仰惟

皇帝考圖數貢自北而南此不容于沒廢往者即經歷單君慶國請重修郡博士徐君碩承命屬筆搜羅散亡其綱正其篇目加多既完矣而母止之板則未也萊山劉公傑來殷是邦路推程公汝弼啟其議諸路官又相其成可謂是書之幸夫圖志重事也其存亡夫豈偶然雷次宗非撫豫章紀洪駒父求之不得見范石湖非不樂吳郡志以安議而不得刊今嘉禾志闕而全絕而續郡侯其有功矣哉昔實德玄不能對帝上之間人到於今陋之今郡

人得是書可以不德玄矣余故喜為之辭至元戊子孟夏里人郭晦序

郡有志徵九丘遺意也書以志名凡一郡之事皆在所當錄豈特土地所生風氣所宜而已哉嘉禾在春秋為檇李至吳黃龍三檇以禾生由奉野故名自春秋距今千七百餘年其間有沿革有廢有置世道污隆之故人物盛衰之由與夫山川風景之所以殊郡邑事蹟之所以異其可紀者何可勝數而舊志多簡略弗載宋嘉定甲戌郡守岳侯珂悼前聞之遺闕嘗命卿先輩表鄉賦任行人子羽之事編葉將上而岳侯去卿論惜之越六十

序

二

三載

皇帝撫有江南寸天尺地無一不入版圖內迺至元甲申克齊單公慶來佐郡幕公餘遐從輒清談竟日每喟然嘆曰圖志三載一上法也此邦自樞府開藩亦既數年而郡志未備非闕典歟遂創議檄委郡博士徐君碩重加修纂君承命惟謹網羅散失抉剔幽眇攷訂今集集會粹彙之為卷者五今之為卷者三十有二纂之為門者二十有五今之為門者四十有三彪分而列此志得為全書徐君之用功亦勞矣編成而萊山劉侯傑寔來一日職驚度洋路推良佐程公汝弼以是白侯侯喜退而

論於同列同列亦喜亟命工刻諸梓時與人會事
與機投莫不虔是書之遭昔張茂先志博物士歎
其才蕭相國收圖籍史籍其識向非侯有相國之
識思以其知戶口為急務則此志編而不刊與不
編等徐君雖有茂先之才其何以自見是舉也侯
既能俾創議者不至為岳之中沮又能俾修纂者
不至為闕之徒勞侯亦賢矣哉侯不鄙屬余序奚
敢以老鈍辭雖然此一郡事也侯賦政于外屢殷
名邦入坐廟堂將以均四海為已任他日志興地
志九域必有能紀侯之勲業者侯其他之至元著
雍園敦益夏朔日里人前進士納軒史唐天麟書

序

三

嘉禾志目錄

卷之一

沿革

道里

卷之二

城社

卷之三

鄉里

卷之四

山阜

湖泖水附

目錄

卷之五

浦瀆

陂塘

涇溝

卷之六

戶口

賦稅

卷之七

學校

廨舍

倉庫

星壁

風俗

坊巷

鎮市

江海

溪潭

河港

堰閘

物產

征權

科舉

院務

徵巡

卷之八

官驛

郵置

樓閣

亭宇

卷之十

寺院上

卷之十一

寺院下

卷之十二

目錄

宮觀道院附

卷之十三

家墓

卷之十四

僊梵

卷之十五

宋登科題名

卷之十六

碑碣一

卷之十七

碑碣二

橋梁

堂館

祠廟

人物

古跡

卷之十八 碑碣三
 卷之十九 碑碣四
 卷之二十 碑碣五
 卷之二十一 碑碣六
 卷之二十二 碑碣七
 卷之二十三 碑碣八
 卷之二十四 碑碣九
 卷之二十五 碑碣十
 卷之二十六 碑碣十一
 卷之二十七 碑碣十二
 卷之二十八 碑碣十三
 題詠一
 題詠二

目錄

三

卷之二十九 題詠三
 卷之三十 題詠四
 卷之三十一 題詠五
 卷之三十二 題詠六

目錄

四

嘉禾志卷第一

沿革

嘉興路九域志曰上秀州古揚州之境也周時為吳國
釋名曰吳虞也即太伯避季歷之地吳伐越越子禦之
檣李檣李即今嘉興也舊有檣李城魯定公十四年春
秋書越敗吳于檣李至哀公元年吳王夫差敗越于夫
椒報檣李也按此則知檣李者吳越之戰地也周顯王
四十六年楚威王伐越破之盡取其地至于浙江之北
故此地亦名曰楚杜佑通典云吳滅屬越越滅屬楚是
也又吳錄地里曰吳王時此地本名長水故嘉興亦名
長水秦始皇東巡望氣者云五百年後江東有天子氣

卷一

一

始皇至今因徙十萬人掘汙其地未以惡名改之曰由
拳又按寰宇記云始皇東遊至長水聞土人謠曰水市
出天子從此過則人乘舟交易應其謠遂改由拳縣又
曰故由拳山在縣始皇見其山上出王氣使諸因蓋此
山因倦並走因辨為因倦山置因倦縣後人訛為由拳
水經云秦始皇改為因拳亦曰由拳西漢屬會稽東漢
屬吳郡吳黃龍三年由拳野稻自生改為禾興志瑞也
赤烏五年因立太子和改為嘉興晉宋齊梁因之隋平
陳陳置蘇州廢嘉興入杭州唐武德七年復置屬蘇州
八年廢入吳貞觀八年復置屬蘇州晉天福四年錢元
瓘病支郡多閭閻而右藩強大始經邑為州遂奏以嘉興

為秀州絕其華亭海鹽二同地附于州乃以境西義和
聚為崇德宋政和七年八月二十二日改秀州為嘉禾
郡寧宗慶元元年以是邦為孝宗毓聖之地陸嘉興府
嘉定元年十一月因守臣趙希道奏請賜嘉興軍額
聖朝至元十三年正月改為嘉興府安撫司至元十四
年三月改為嘉興路總管府領府一縣三司一
錄事司城以內隸焉宋置南北西三廂聖朝至元十三
年廢遂置兵馬司至元十四年改為錄事司
松江府舊華亭縣也唐天寶十年置華亭縣屬蘇州治
按新史寰宇記以為本嘉興縣地與地廣志以為本崑
山縣地元和郡國圖志云吳郡太守趙居貞奏割崑山

卷一

二

嘉興海鹽三縣為之今四境與三縣接郡國圖志為不
誣矣唐僖宗入蜀時郡盜盤結王騰據華亭其後吳越
王錢鏐遣顧全武拔之自此地入吳越按通鑑乾寧四
年錢鏐遣顧全武取蘇州乙未拔松江戎拔無錫辛
丑拔常熟華亭是也晉天福五年以嘉興縣為秀州而
割華亭隸焉通典寰宇記云地有華亭谷因為名與
地志云吳大帝以漢建安中封陸遜為華亭侯即以其
所居為封谷出佳魚蓴菜又多白鶴清暖故陸機嘆曰
千里蓴羹未下臨鼓及臨刑嘆曰華亭鶴唳不可復聞
又按陸遜傳云遜初封華亭侯進妻侯次江陵侯漢法
十里一亭十亭一鄉萬戶以上或不滿萬戶為縣凡封

侯視功大小初亭侯次鄉侯即侯以遜所封次第攷之則華亭漢故亭留宿會之所也昔縣有華亭鎮印或者遂謂自鎮為縣不知所謂鎮者唐因隨制置鎮將副以掌捍防守禦之事縣之冗職且詳符圖經載鎮在西南二百步而元豐九域志則廢矣如自鎮而為縣則新史與地志諸書不應畧而不言也若夫雲間之名則自陸士龍對張茂先所謂雲間陸士龍一語得之也華亭民物稍蕃庶

聖朝至元十四年陞為華亭府至元十五年改為松江府領縣一華亭

嘉興縣唐史九域志云望嘉興縣與地廣記叙秀州以

卷一

三

為春秋時吳越分境于此杜預曰嘉興縣南有楊李城今之嘉興縣境吳之南境也秦為由拳縣西漢地理志注云紫辟又云就李水經云辟塞皆舊名也漢以後中間沿革詳見本路所載矣晉天福五年陞嘉興為秀州宋宇記云嘉興監者今秀州嘉興縣所來陞為監後併為縣而隸秀州為具先三十二鄉熙寧中析五鄉隸崇德止二十七鄉今仍舊

海鹽縣輿地志云上海鹽縣唐地理志曰蘇州海鹽縣九域志曰望海鹽秦郡縣天下粵二十年甲戌置縣屬會稽郡漢因之地理志云武原有鹽官寰宇記云廣斥鹽田相望即海鹽鹽官之地吳王漢置司鹽校尉居焉

嵎城故水經云吳王濞海為鹽於此縣也王莽時改為展武後陷為湖是為柘湖湖中有山生柘樹因名焉今在松江府南七十里金山北移治武原鄉為武原後漢復為海鹽順帝時又陷為湖是為當湖遂移治故邑山為故邑縣晉成帝元康七年復為海鹽縣又移處故為嵎城至陳武帝割屬鹽官唐高祖武德七年復屬蘇州太宗貞觀元年省入嘉興唐宗景雲二年復置先天元年廢二年百姓以應奉塗遠艱于往來又請置明皇開元五年蘇州刺史黃門侍郎張廷珪奏是年五月敕置即于舊海鹽縣吳興越城西北立定準而置縣今縣治也昭宗大順中割歸杭州晉天福五年置秀州隸隸

卷一

四

為宋因之今仍舊

崇德縣九域志云崇德縣古越地也輿地廣記叙崇德云有語兒水亦曰禦兒越之北境也魯定公十四年吳伐越越子句踐禦之陳於楊李杜預曰吳即嘉興縣而吳越春秋句踐五年入臣于吳群臣祖道至浙江上是浙江之西皆入吳境句踐七年既釋囚反國厚獻吳王夫差夫差悅之賜書增封于是禦兒復為越之北境國語曰句踐之地南至句無北至禦兒章昭注今嘉興句踐之報吳也佚舍至于禦兒大夫種曰吾用禦兒臨之章昭注禦兒越北都言吳邊魏明帝時王景洲諫營官兵若至吾以禦兒之民臨魏明帝時王景洲諫營官室亦曰句踐欲廣其禦兒之疆歲夫差于姑蘇釋之者

謂界吳界邊成地名斯可驗矣太平廣記北魏州與界分界在吳郡嘉禾間滅吳傳六世為楚威王所併地屬楚秦郡縣天下總吳越舊地置會稽郡禦兒為由拳縣之西都介子錢塘為程之開漢武帝時伐東粵東粵使徇北將軍守武林樓船軍卒錢唐祿終古新之元封元年閏四月封語兒侯語兒侯越中地也今吳興同諸致之唐乾符中所在崇福寺二石經幢一云嘉興縣語兒鄉一云語兒市然則語在唐其名如故黃巢之亂豪傑起義吳保護鄉井遂陞為義鄉鎮餘杭吳公約隨董昌檣巢于西都奏置都鎮于缺近鎮義鄉鎮還使後其子重裕襲拜西佳鎮追使燕義鄉鎮事見縣志

卷一

五

以觀秋祥故志邑郡者必攷焉西漢地理志曰吳地斗分楚也又四粵地牽牛婺女之分楚也晉天文志曰自南斗十二度至須女七度為星紀于辰為丑吳越之分楚屬揚州曹直起斗十度蔡邕起斗六度度又列州郡踰次云斗揭入斗十六度會稽入斗一度由此觀之嘉興乃斗之分楚而崇德處吳越之間則獨在斗牛踰度之交按五代史載豫章人有善術者望牛斗間有王氣語錢唐分也宋建炎初國步艱虞是秋占者望牛斗間有紫氣既而移蹕維揚謂其已驗暨冬十月戊寅孝宗虹渚之祥寔在嘉興非其明驗歟故倫載之以俟知星者

卷一

六

吳越有國廢鎮止稱義和市塘左則語兒市三朝國史云有語兒亭故地名語兒按水經載萬善厓曰吳黃武六年正月獲彭綺是歲由拳西鄉有產兒便能語云天明河欲清脚折金乃生因詔為語兒鄉非也又嘉禾百詠載舊傳西施產兒于此至能語方去尤可笑也蓋語兒當為禦兒晉天福間始析崇德七鄉置縣于義和市因鄉以名縣五年春三月勅嘉興縣為秀州以崇德縣隸焉宋因之熙寧十年又割嘉興縣梧桐永新清風保寧千金五鄉以蓋之總十二鄉今仍舊

星楚

周官保章氏以星土辨九州之地所封域皆有分星

道里

嘉興路

東西三百二十八里

南北九十一里

至上都

陸路四千三百八十四里

水路四千一百里自大都登陸路至上都四十

九百里

至大都

陸路三千五百八十四里

水路四千一百里

四至

東至大海二百一十里舊經云一百九十七里

西至杭州路二百一十九里

南至杭州路硤石鎮界六十里

北至平江路吳江縣界三十里

八到

東南到海九十二里舊經云東南到海九十里

西南到杭州路監官縣界一百里

東北到平江路吳江縣界六十里

西北到平江路吳江縣界四十二里

陸路

卷一

七

東至松江府一百二十里

西至崇德縣九十五里五十步

東南至海鹽海九十里舊經云八十里一百步

西北至平江路吳江縣一百一十二里一十步

水路

東至青龍鎮一百九十五里

西至湖州烏程縣界七十里

南至海鹽縣九十里舊經云一百一十步

東北至平江路吳江縣一百一十二里一十步

松江府

東西一百六十里

南北一百七十三里

四至

東至海八十里

西至平江路長州縣八十里

南至海九十里

北至平江路崑山縣界八十里

八到

東南到明州界九十里在海中

西南到海鹽縣界六十里兩縣相去一百二十里

東北到平江路崑山縣界一百二十里兩縣相去一百三十里

卷二

八

西北到平江路崑山縣界一百五十里兩縣相去一百一十里

陸路

西南至嘉興縣界六十里

東北至青龍鎮五十四里

水路

東北至青龍鎮入吳江五十四里

西南至嘉興縣界六十里

西北至吳江六十里

嘉興縣

東西七十里

西北八十里

四至

東至松江府華亭縣風涇界六十里

西至崇德縣官窰鋪五十里

南至海鹽縣莫涇鋪四十五里

北至平江路吳江縣界二十里

八到

東南到海鹽縣界四十五里

西南到崇德縣界官窰鋪五十里

東北到平江路吳江縣界五十里

西北到崇德縣烏青鎮五十四里

卷一

九

陸路

東南至海鹽縣界莫涇鋪四十五里

西南至崇德縣界官窰鋪四十五里舊注云至崇德縣九里

里十

東北至松江府華亭縣界風涇鋪六十里舊志云至華亭縣一百二十里

里十

北至平江路吳江縣界通鋪三十里

水路

與陸路同

海鹽縣

東西一百五十九里舊志云一百九里

南北一百三十三里舊志云一百三十二里

四至

東至海鹽五里舊志云三里

西至杭州路鹽官縣六十三里

南至杭州路鹽官縣界四十八里舊志云四十九里

北至嘉興縣界七十三里

八到

東南到海鹽二里

西南到杭州路鹽官縣界五十里

東北到華亭縣八十九里

西北到嘉興縣界松楊涇四十五里舊志云八十里

卷一

十

陸路

西南至澈浦三十六里

西北至嘉興縣界四十五里

水路

東北至當湖五十五里又北行至華亭縣九十里

里

西南至澈浦鎮三十六里

西至杭州路鹽官縣六十三里

西北至嘉興縣界四十五里

崇德縣

東西五十四里

南北三十五里

四至

東至嘉興縣靈宿鄉界六十里

西至湖州路德清縣金鵝鄉界十五里

南至杭州路鹽官縣昌亭鄉界五里

北至湖州烏程縣移風鄉界三十里

八列

東南到杭州路鹽官縣元吉鄉界一十里

西南到湖州路德清縣金鵝鄉界二十里

東北到嘉興縣靈宿鄉界六十里

西北到湖州路歸安縣太元鄉界三十里

陸路

南至杭州路鹽官縣界五里

東北至嘉興縣界五十里舊志云六十里

水路

東北至嘉興縣南谷湖五十里

西自縣西長營港至德清縣界等里連一十五里

南至杭州路鹽官縣界五里

北自縣北長營港至湖州烏程縣界三十里

風俗

舊經云罕習軍旅尤慕文儒不憂凍餒頗勤農務

題名記云惟秀介二大府旁接三江擅河海漁鹽之利

號澤國杭稻之鄉土膏沃饒風俗淳秀文賢人物

之盛前後相望百工聚技與蘇杭等方輿勝覽

前漢地理志云江南地廣或火耕水耨民食魚稻以漁

獵山林為業果蔬蠶蛤食物常足故諸窟偷生而

亡積聚謂多也弱也謂少也言短力弱材不能動作故

飲食還給不憂凍餒亦由千金之家信巫鬼重淫

祀又曰吳東有海鹽章山之銅三江五湖之利江

東一都會也海外鯨人歲時來見

叙吳郡志者曰有太伯辭遜之遺風

志會稽郡者曰有夏禹勤儉之餘習

卷一

十三

嘉禾志卷第二

城社

嘉興路

路城按舊經云羅城周回一十二里高一丈二尺厚一

丈五尺子城周回二里十步高一丈一尺厚一丈

二尺宋宣和年間知州朱昭年嘗更築德祐元年

守臣余安裕重修諮議劉漢傑董其役且增築堡

障

聖朝至元十三年羅城平子城見存羅城元有四

門東門舊曰青龍後改春波西門舊曰永安後改

通越南門舊曰廣濟後改澄海北門舊曰望涼後

卷二

改望雲續改望吳而門又分為水旱門門各有樓

惟澄海水門樓因徐珉作亂遂廢

聖朝至元十三年後門樓亦間廢

路社壇舊經云子城西北一里八十步今在澄海門內

西北一百步

松江府

府城舊為縣城周回一百六十丈高一丈二尺厚九尺

五寸後無之宋紹興乙亥歲酒務鑿土得唐燕胄

妻朱氏墓碑以咸通八年寔于華亭縣城西一里

御名修坊是唐之置縣固有城矣廢興之由不得

而詳焉縣境內西南稱南城亦不可曉

古城在華亭縣西六十里按祥符圖經所載也今未詳

所在

府社壇舊為縣社在華亭縣西北二里

嘉興縣

縣城按舊經云周回二百二十五步宋淳熙間僅餘一

百步今皆無之矣

楊李城在縣南四十五里高二丈厚一丈五尺後廢按

舊經故戰場在縣南四十五里夾谷中即秦長水

縣古楊李城也史記載吳王傷指卒于此吳記曰

谷中有城故由拳縣治也即吳之柴辟亭神異傳

曰由拳縣秦長水縣也始皇時縣有童謡曰城門

卷二

二

當有血城陷沒為湖有老嫗聞之憂懼且往窺城

門門侍欲縛之嫗言其故嫗去後門侍殺犬以血

塗門嫗又往見血走去不敢顧忽有大水漲欲沒

縣主簿令吏入曰令令見吏曰何忽作魚吏又曰

明府亦作魚遂乃淪陷為谷矣因曰長水城水曰

谷水也

射裏城在縣東北三十里後廢

何城去縣一百里吳王所築後廢

東顧西新南于北主四城嘉禾百詠注云吳越戰爭時

所築後廢

縣社壇舊在縣西南一里一百三十步後移在精嚴寺

前壇宇廢祀宋宰李時習修之有舊碑沒于智井
中今止存敗屋為鋪軍所據

海鹽縣

縣城周回一百七十步高一丈二尺五寸厚一丈後廢

古城在縣東南五十步

歟城在縣西北一十八里周回一里今止有歟城橋城

不存

故邑城在縣東北三十六里周回半里

縣社壇在縣西南半里

崇德縣

縣四城在邑境者三宮城屬傳皆吳王所築遺址尚存

卷二

三

何城在縣西二里吳城在縣東北二十里堂城在

縣東三十里張堯同賦何城曰報越心何壯貪辭

意已輕忠言殊不聽何用築斯城

縣社壇在縣西二百步入門而南有齋廳三楹廳之南

五壇壇各有三級風伯雨師雷線之以牆廳值宋政和

間重修社壇碑記磨滅幾不可讀太率全備輯牒

之語勅牒則盡述江東提舉沈延嗣奏請之辭當

時按式圖鈐版行下故式圖刻在碑首歷年雖久

壇制如式

坊巷

錄事司

迎年坊在春波門內

名義舊名春波今改是名蓋取迎青帝于郊祈福

豐年之義

正興坊在朱巷

名義舊名永興後改是名蓋取經正則庶民興之

義

登春坊在春波門內

名義通春波門故取熙熙然如登春臺之義

宜民坊在嘉興縣前

名義通嘉興縣故取宜弟君子宜民宜人之義

流虹坊在興聖寺西

卷二

四

名義巷有興聖禪院乃宋孝宗毓聖之地故取華

渚流虹女節感而生少吳之義

好德坊在鹽倉巷

名義巷有晉歌妓蘇小卿之墓故立是名欲使人

知有好色不如好德之義

通津坊在府東灣

名義坊近水故立是名

聯魁坊在倪家橋

名義舊名義孝以宋嘉定十一年里人有陳姓第

四四者剖心藥親之疾特立此以褒其孝壬寅今

郡守倪祖常改是名

蘭錡坊

名義宋子太尉居焉故取吳都賦陳兵而歸蘭錡
內設之義

碧漪坊

在嘉興縣西北
名義舊曰集賢通天心湖故改是名

集優坊

名義巷通隱真道院因仙人劉高常至此故立是
名蓋效唐人以集仙名館之義

青綱坊

名義味胡安撫居焉安撫名與可子孫皆把麾故
取東郭先生傳青綱之義

卷二

五

環園坊

名義在府後門之東偏通回環子城之路詩云出
其園闢注園曲城也故以此名

旌烈坊

在郡治北
名義巷有郡神楊將軍廟故立此名以旌將軍之

林烈

聽履坊

名義西河上宋有王尚書希呂宅故取聽履上星
辰之句

卿月坊

名義宋有趙少卿宅故取卿士惟月之義

祥麟坊

名義近郡文學廳故取楊震鶴雀銜三麟之祥
否壇坊

名義在路學前故取孔子否壇弦歌之義

鳳池坊

名義宋有婁叅政機府故標中書鳳池之榮觀
百福坊

名義巷通天慶觀故取早麗受祖申以百福之義

封祝坊

名義巷通祥符寺乃宋時聖節祝聖之所故取華
封人祝堯之義

卷二

六

介壽坊

名義俗曰陳婆兒巷婆娘乃婦人高年者之稱也
故取介爾景福壽考且寧之義

尊壽坊

名義俗曰老人局故立此名蓋取尊事黃耆之義

率育坊

名義俗曰楊洗魁巷故立此名蓋取毛詩我求八
千帝命率育之義

斯才坊

名義俗曰馬坊巷故立此名蓋取駟詩斯馬斯才
之義

咸中坊

名義俗曰幢子巷乃宋刑人于市之所故立此名
蓋取呂刑咸中有虞之義

聚桂坊

名義舊名神童蓋市心有唐堯臣包時習與弟時
中時飛俱中童科後徐聞詩又以童科第進士故
也堯臣後人夢符震龍天麟又相繼擢第景定庚
申請于郡改是名

豐衍坊

名義通慈濟倉故以是名

美俗坊

名義通瓦子故立是名欲以美汙俗也

靈光坊在驛巷

名義通靈光寺故立是名

移風坊

名義通西瓦子故立是名欲移風易俗也

鄉道坊

名義在河道人巷口故以是名

通關坊

名義在府後橋之西偏通大市故取吳都賦橫關
闔而流溢之義李周翰注曰關闔乃市門也

織雲坊

名義通蔡織紗巷故立是名蓋取天孫巧織雲錦
裳之義

燕春坊

名義巷通酒庫熙春樓故立是名蓋取遊燕之義

四騏坊

名義宋有馬太尉定遠居焉故立是名蓋取毛詩
方叔率止乘其四騏之義

鳴社坊

名義通社壇李蕭遠運命論里社鳴而聖人出是
郡為宋孝宗毓聖之地故因社名坊

輕裘坊

名義宋賈安撫居焉常帥袞陽故立是名蓋取
羊祜輕裘緩帶之義

通明坊在醋坊橋

名義舊在顧市橋後移于此路通南門因取離明
之義

爰穡坊

名義俗曰糖巷因取土爰穡穡穡作甘之義

勸善坊

名義通咸中坊刑人之所尚書多方云殄戮多罪
亦克用勸孔子傳曰戮衆罪亦能勸善因立此名

登容坊

卷二

七

卷二

八